



Tasiilami adventure efterskolemik pilersitsinissamik Naalakkersuisut peqquneqarnissaannik siunnersuut.

(Inatsisartunut ilaasortaq Harald Bianco, Inuit Ataqtigiit)

Tasiilami efterskolemik pilersitsinissaq siunertaralugu pilersaarummik UPA 2023-mi Naalakkersuisut saqqummiusseqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Mala Høj Kuko, Siumut)

Immikkoortoq 134 aamma immikkoortoq 95 ataqtigiisillugit sulliummeernissaat suliassanngortinneqartut Inatsisartut Suleriaasianni § 33 naapertorlugu aalajangiiffigisassatut siunnersuutit saqqummiunneqartut ataatsikkut marluusut imatut Naleqqamiit oqaaseqaateqarfigissavarput.

Siullermik siunnersuuteqartoq Inatsisartunut ilaasortaq Harald Bianco, Inuit Ataqtigitt taamatullu siunnersuutit aappaanut siunnersuuteqartoq Inatsisartunut ilaasortaq Mala Høy Kúko, Siumut siunnersuutitut saqqummiussaannut qutsavigerusuppagut

Inatsisartunut ilaasortaq Harald Bianco, Inuit Ataqtigiinneersup siunnersuutigaa Tasiilami efterskolemik pilersitsinissamik Naalakkersuisut peqquneqarnissaat siunnersuuteqartullu aappaata Mala Høy Kúko siunnersuutigalugu Tasiilami efterskolemik pilersitsinissaq siunertaralugu pilersaarummik UPA 2023-mi Naalakkersuisut saqqummiusseqqullugit Inatsisartut aaliangiiffigisassaattut siunnersuut.

Siunnersuutit taakku marluk aappaa Tasiilami efterskoliliornissamik pilersarusioqquisoq aappaalu adventure efterskolemik pilersitsisoqarnissaannik Naalakkersuisut peqquneqarnissaannik siunnersuut imatut Naleqqamiit oqaaseqarfigissavagut.



Siunnersuummi toqqammavilersuutigineqartut nalilersuiffigineranni misissuataarnerannilu Tasiilami efterskoleqalernissamik tunngaviusoq immikkoortumi 134-imi siunnersuutaasumi annertunerusoq, tassaavoq Tunumi suliffinnik ineriartornermillu pilersitsiffiunissaa.

Tasiilaaq tunulu taamatullu avannaa minnerunngitsumillu isorliunerusut ataatsimut isigalugit ukiorpassuarni suliffinnik ineriartornermillu pilersititsiniarneq sumiginnagaanikooqisoq nalunngilluinnarpaat, naak oqaaserpassuit kusanartut ukiorpassuannortuni atorneqartaraluartut tigussaasumik annertunerusumillu timitalersorneqartaratik inissisimaffiujarnikuupput.

Taamannalu anigorniarlugu Naalakkersuisooqataalernitsinni pingaartilluinnarlugu nunarput tamaat isigalugu ineriartortitsinissaaq aammalu sanaartulernissaaq kingumut atuuteqqilernissa sakkortuumik ilungersuutigisimavarput siunnerfiillu assigiinngitsut siunnerfigineri tikkuuteqataaffigisimallugit tamannalu Naalakkersuisooqatigiilersut ingerlatseqqissagaat oqaasiinnaanngitsumik Naleqqamiit neriuutigilluinnarparput ukiorpassuarnimi timitalersuisimanninnerit isorliunerusuni annertuumik sunniuteqarnikummata.

Taamaammat siunnersuut uani iluatinnaraluartoq maannangaq piffissaanngitsoq Naleqqamiit isuamaqarfigaarput.

Taamatut aalajangernitsinni toqqamaavilersuutigaarput Efterskolimik Tasiilami pilersitsineq ilinniartunut 70-inut inissaqartitsiviusumik missiliuunneqarsimavoq nunatta karsianut minnerpaamik 158 mio. kr.-inik aningaasartuuteqarfiusussatut, Ingerlatsinermut aningaasartuutit naatsorsuutigineqarput 12 mio. kr. missaaniittussaassasoq. Taamatullu sulisut ineqarnerannut 40 mio. Kr. Atorneqartussaapput taamatullu saniatigut ilinniartut angalanernut allanullu aningaasartuutissat 2 mio. kr. missaaniinnissaat naatsorsuutaasussaallutik.

Pilersitsiniarnerinnarmut aningaasat minnerpaamik 200 mio. kr. pineqarput taavalu ukiut tamaasa aningaasartuutaasussat qiviaraanni ukiumut 14-15 mio. kr. atorneqartartussaasut missingersoraanni ukiunut 20-inut tulliuuttunut 300 mio kr. aningaasartuutaasussaasapput.

Taakku tamarmik ataatsimut katikkaanni aningaasartuutaasussat ukiunut tulliuuttunut 20-inut naatsorsoraanni halv milliard-mik akeqartussaassaaq inuiaqatigiinnut.



Naleqqamiit isumaqarpugut aningaasat taama amerlatigisut atorneqartussat pillugit isumatusaarnerunngitsoq aammalu tulleriaariniarnermi torrallaanerunngitsoq.

Aningaasat torrallataanerumik tulleriaarinikkut atorneqartussanngorlugit aqqissussisariaqarpugut efterskoliliornissamut aningaasat taama amerlatigisut atornissaanut piffissaanngitsoq Naleqqamiit isumaqarfigaarput Tasiilami pisariaqartitsineq allarluinnarmiippoq.

Tasiilami atuarfeqarnikkut siuarsaanissaq pisariaqarluinnarpoq aammalu atuartut siursaaffiginissaat oqaatsinik allanik ilinniaqqinnermut atugassaannik nukittorsaaffiginissaat pisariaqarluinnarpoq, tamanna kinguarsaqqinnagu qanoq iliuuseqarfigisariaqarluinnartuuvoq. Taamatullu Naalakkersuisooqataalernitsinni suliffissaqarniarnissaq sammineqarnerulersussaq annertuumik uukkatarinissaa pingaartuuvoq oqaasiinnaanngitsumik piaartumillu qanoq iliuuseqarfiginissaa.

Tasiilamut immikkut ittumik meeqqanut inuusutunullu iliuuseqarnissaq Naleqqami siulittaasutta Hans Enoksen-ip siuuttuuffiginikuaa inatsisartunut partiit apeqqutaatinnagit oqaluuserisassanngortitsinermini angusaqarfiginikuaa qallunaat suleqatigalugit qinersivimmi siuliani qanoq iliuuseqarnissamik aningaasaliisoqartornera tamannalu unitsinnagu pisariaqartitsineq annertoqisoq aallaavigalugu suliniutit ingerlaqqittuarnissaat Naleqqamiit pingaartilluinnakkatta ilagaat.

Aalisagarpassuaqarpoq tunu imartaa kangerluppasualik sineriak isorartooq suli atorluarneqanngilaq. Kitaani avannaani aalisarnermik misilittagaqarluartut suleqatigalugit aalisagaqarfiit naniortornissaanut sulisoqartariaqartoq isumarput aaliangiusimavarput, tamannalu naammattumik aningaasaliiffigineqarluni tunumi aalisarnikkut siursaaneramik aningaasalersuinerit nunatta aningaasarsiorneranut aamma iluaqutaalersussaq aqutissiuuttariaqartoq Naleqqamiit isumaqarfigaarput.

Taamatullu tunumi inissaaleqinerujussuaq atugaavoq ukiorpassuit tamanna ajornartorsiutaasimasoq allatuulli isorliunerusuni sanaartorniarneq aallartisarneqartup timitalersorlugu aallarertiartup



nangillugu ingerlatseqqinnissaa Naleqqamiit neriutigilluinnarparput Naalackersuisooqatiigilersut ingerlatseqqissagaat oqaasiinnaangitsumik timalersuinikkut aningaasaliisarnikkullu.

Aningaasarsiorfissanik tunumi periarfissanik avannaanituulli ulikkaarpoq tamakku uukkarineruniartigit inerisarniartigit, neriuppugut aammaarluta anngussukkagut ilanngullugit Naalackersuisooqataanitsinni uukkariniarlugit siunnerfigisagut unitsinnagit Naalackersuisooqatiigilersut ingerlateqqissagaat.

Taamaammat Naalackersuisut immikkoortunut 95-imut 134-mullu allannguutissamik siunnersuuteqarnerat paasisinnaalluarparput, allatut iliuuseqarnikkut siuarsaanissaq siunnerfigineqartoq Naleqqamiit innersuussagut ilanngullugit neriuppugut Naalackersuisut suliaqarnertik ingerlatseqqissagaat.

Naalackersuisoqarfinni arlaqartuneersunik suliniuteqarnissaq isorliunerusunut nunaqarfinnullu pisariaqarluinnartut ingerlanneqarlutik siunnerfigineqartut timalersornissaanut siunnersuutaasartussat peqataaffigisassavagut aamma pisariaqartitsineq annertoqaaqinerisaasoqarpallu taakku nunatta aningaasarsiorneranut aamma kivitseqataasinnaanerat annertusarneqartussaammat siunissamut aningaasaliinerussat aatsaat taama pisariaqartigisut salliutinnissai avaqqunneqarsinnaangitsut aallaavigalugit siunnersuutit uku marluusut Naleqqamiit itigartillugit oqaaseqarpugut allanut aningaasat atornissai pisariaqartinneqarluinnarmata.

Suliaq Tasiilami suliffissaqartitsiniarneq pillugu suliniaqatigiit naalackersuisoqarfinnit arlaqartuneersut, Suliffeqamermut Naalackersuisoqarfinnit akisussaaffigineqartut, suliaannut ilanngunneqassaaq."

Naalackersuisut allannguutissatut siunnersuut aningaasatigut kinguneqassanngitsoq nalilerpaat.